

Communicaziun a las medias dals 9 da matg 2026

38avla radunanza dals participants da la BCG: in resultat da fatschenta solid ed ina gronda valurisaziun

Var 2800 giasts han dà suatientscha a l'invit da la Banca Chantunala Grischuna (BCG) ed èn sa radunads en la Halla da la citad da Cuira occupada fin a l'ultim plaz. Heinz Huber ha infurmà l'emprima giada sco nov president da la banca davart la strategia 2026-2030. Il CEO Daniel Fust ha explitgà l'onn da gestiun allegraivel 2025. Per ina buna atmosfera ha en pli procurà il program musical cun Hampa Rest e sia band.

Il gudogn da concern da 224.6 milliuns francs pussibilitescha danovamain ina dividenda legraivla da 47.50 francs per mintga scrit da participaziun. La banca ha uschia pudì assegnar al chantun Grischun ed a las participantas ed als participants en total 118.8 milliuns francs. Al Chantun ha la banca pudì pajar 103.6 milliuns francs inclusiv l'indemnisaziun per la garanzia statala. Quai fa radund 503 francs per abitanta ed abitant dal Grischun.

Strategia 2026–2030: il focus è sin ina cussegliaziun cumplessiva ed in'interpresa fitta

«Cun la strategia 2026–2030 ans basain nus sin quai ch'è sa cumprova ed ans adattain a moda flexibla a las midadas tecnologicas e socialas», ha declerà il president da la banca Heinz Huber. Quai gida la banca da nizzegiar las schanzas dal nov mund da lavur e da las novas tecnologias. Las finamiras è ina cussegliaziun cumplessiva d'emprima qualitat en l'entir chantun, in ferm engaschament en e per il Grischun, ina diversificaziun cuntinuanta dals retgavs sco er ina stabilitad extraordinaria ed ina fitness d'interpresa eccellente da la Banca Chantunala Grischuna.

Ina valurisaziun regionala che surpassa ils resultats annuals

Il CEO Daniel Fust ha preschentà in resultat annual allegraivel per il 2025, e quai malgrà il nivel da tschains bass pretensiuns. Interessant saja plinavant l'ulteriura impurtanza economica da la banca per il chantun e sias regiuns. Quest effect cumprova in studi actual da la BAK Economics AG e da la Scuola auta spezialisada dal Grischun. «Tenor il studi realisescha la BCG grazia ad effects directs ed indirects ina valurisaziun annuala da 415 milliuns francs e contribuescha essenzialmain a la forza economica dal Grischun. Plinavant mussa el che nosa lavur fa effect lunsch sur las fatschentas da banca ora e che nus promovain interpresas, rinforzain regiuns e surpigliain responsabladad per la communitad en il Grischun», di il CEO Daniel Fust.

Musica, divertiment e culinaria

La musica instrumentala da la BCG sut la batgetta dal dirigent Hendri Riedi ha dà il bainvegni musical a las participantas ed als participants. Cun l'omagi da ses «Luigi Panettone Orchester» a las celebritads Dean Martin ed Elvis Presley ha Hampa Rest intgantà il public. Il team da Toblers Event & Catering ha procurà per spaisas e bavrondas per la halla da la citad occupada fin a l'ultim plaz. Tras il program han danovamain manà a moda scharmanta Gianna Meier e Stefan Flury.

Contact:

Thomas Müller, thom.mueller@gkb.ch, telefon +41 81 256 83 11

Bernhard Kobel, bernhard.kobel@gkb.ch, telefon +41 81 256 88 01

Banca Chantunala Grischuna, chascha postala, 7001 Cuiria | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. L'interpresa è represchentada en tut las regiuns dal Grischun. Cun passa 1'000 collavuraturas e collavuratur è la BCG ina da las pli grondas patronas en il chantun. Ultra da sias activitads economicas s'engascha ella cun ses sponsoradis, ses fond da contribuziuns, sia collecziun d'art e sia lavur voluntara.

La BCG dispona da participaziuns da maioritad a la Banca privata Bellerive AG ed a l'Albin Kistler AG. Ultra da quai è ella acziunaria unica da la BZ Bank Aktiengesellschaft. Il scrit da participaziun BCG è quotà a la bursa dapi il 1985. Al resultat da gestiun 2025 è il chantun Grischun sa participà cun 103.6 milliuns francs incl. l'indemnisaziun per la garanzia statale.

Termins:

Rendaquint semestral 2026:

21 d'avust 2026